

Мушук боқиш шариятимизда қайтарилмаган



11:00 / 24.02.2023 9540

Аллоҳ таоло Мусаввир Зот.

Аллоҳ таолонинг ушбу исми Қуръони Каримда фақат бир ўринда келган:

يٰۤاَيُّهَا مَوْلٰى حَبَسْنٰى ۙ اِنۡنَا نَسۡخُلۡهُ لَآءَامۡ سَآءِلَآءَ ۙ اَلۡهٰٓءَ ۙ رَّوۡصۡمٌ لِّاِئۡرَابِۙ لَآۙ قُلۡ اٰخُلَآءُ لَآۙ وَهُ
مۡ يٰۤكٰ۟لۡ اٰزِيۡزٌ لَّآۙ وَهُوَ ۙ صُرَّآلۡ وَاۡوَامۡ سۡ لَآۙ

«У Аллоҳдир, Холиқдир, Бориъдир, Мусоввирдир. Энг гўзал исмлар Униқидир. Осмонлару ердаги барча нарсалар Уни поклаб ёд этадилар. Ва Унинг Ўзи ўта иззатлидир, ўта ҳикматлидир» (Ҳашр сураси, 24-оят).

Доктор Муҳаммад Ротиб Наблусийнинг «Аллоҳнинг гўзал исмлари» номли асари асосида Анвар Аҳмад домла қилган таржимада Мусаввир исмига бундай таъриф берилган: «Мусаввир – махлуқотларнинг сувратини, шакл-шамойилини шакллантирувчи, ҳар бир нарсага ўзига хос суврат берувчи». Ушбу мақолада яна бундай дейилган: «Аллоҳ барча нарсага сурат ато этган деганда фақат ташқи шакл, сурат эмас, балки мукамал тузилиш назарда тутилади».

Аллоҳ таоло ҳар бир яратган нарсасига ўзига хос шакл, ранг, яшаш шароити ато этган. Инсонга, филга, дельфинга, туяга, мушукка ва ҳоказо жонзотларнинг ҳар бирига ўзига хос тузилиш, шакл, ранг ва яшаш шароитини ато этган. Инсоннинг хушсурат қилиб, энг гўзал шаклу шамоилда яратилгани Қуръони Каримда баён этилган. Аллоҳ таоло шундай

деб марҳамат қилган:

مِ يَوْمَ تَنْسُخُ آيَاتِنَا إِنَّ قَوْلَكَ دَوَّلٌ

«**Батаҳқиқ, инсонни энг гўзал тузилишда яратдик**» (Тийн сураси, 4-оят).

Шунингдек, бошқа жонзотларни ҳам кўрганимизда Роббимизнинг нақадар Буюк Мусаввир Зот эканига яна бир бор амин бўламиз.

Расмдаги мушукнинг ташқи кўринишини, рангини кўриб, Аллоҳ таолонинг нақадар Мусаввир Зот эканини ҳис этдим ва мана бу оят ёдимга келди:

لَا يَضُرُّكَ إِذَا أَطَّلَعَ الْبَابَ وَنُودِيَ نَمَّيْ دَلَّ قَوْلَكَ إِذَا مِ يَنْوَرُ أَفْهَلَلْ قَوْلَكَ إِذْهُ
نَبِّمٌ

«**Бу Аллоҳнинг яратганидир. Қани, Менга кўрсатинг-чи, Ундан бошқалар нимани яратдилар. Йўқ! Золимлар очиқ-ойдин адашувдадирлар**» (Луқмон сураси, 11-оят)

Расулуллоҳ соллаллоҳу алайҳи васаллам: «**Албатта, у (мушук) нажас эмас, у сизларнинг атрофингизда айланиб юрувчилардандир**», деганлар.

(Сунан эгалари ривоят қилганлар).

Нажас эмас, дейилгани гўштини еса бўлади дегани эмас, балки у бир тоза идишдаги сувдан ичса, ўша сув нажосат бўлмайди деганидир.

Саҳобалардан Абдурроҳман ибн Сохр розияллоҳу анҳу мушукни яхши кўрганлари ва кичик мушукчани ўйнатиб, таом бериб юрганлари учун Абу Хурайра («Мушукча отаси») деб чақирар эдилар. Пайғамбаримиз соллаллоҳу алайҳи васаллам у кишини баъзида Абу Хурайра, баъзида Абу Хирр («Мушук отаси») деб чақирардилар.

Абу Хурайра розияллоҳу анҳу саҳобаларнинг ичида ҳадис ривоят қилиш бўйича пешқадами ҳисобланадилар. У киши 5374 та ҳадис ривоят қилганлар.

Хуллас, мушук боқиш шариатимизда қайтарилмаган. Фақат унинг сўлаги, оғзи теккан сув макруҳ ҳисобланади. Яъни, бу ҳолатда мушук теккан сувдан бошқа сув бўлса, ўша бошқа сувда таҳорат олган яхшироқ. Агар мушук ҳозир сичқон еган бўлса, сўнг шу оғиз билан сувга тегинса, сўлаги

сувга тушса, сув нажосат бўлади. Демак, бу сувда таҳорат олиб бўлмайди. Валлоҳу аълам.

Аллоҳ таолонинг яратганларига тафаккур кўзи ила боқсак, Унинг қудратига, азаматига қойил қолиб, иймонимиз нури зиёда бўлиб, ибодатларга рағбатимиз, муҳаббатимиз ортади.

Аллоҳ таоло барчамизни Ўзининг ҳидоятидан айирмасин ва хотимамизни чиройли қилсин!

Интернет маълумотлари асосида Нозимжон Ҳошимжон тайёрлади